

V P L A N D I A .

ad sunt, sunt numero duodecim, estque ipsorum etiam munus perpetuum, nisi foedi alicujus criminis deprehensi abdicentur munere, aut ipsi probata causa missionem impetrent. Leges regni antiquae sunt & ab Henrico institutae & inde adhuc usque tempora servantur religiose, nulla habita ratione juris Romani. Anno 1407 tacta caelesti fulmine civitas tota pene conflavit. Perierunt incendio multi admodum mortales, plures quum se navibus abdidissent, hausti sunt aquis, quod ferendo oneri naves pares non essent. Sub Christierno 11 Sueciae & Daniae rege magnam experta est calamitatem a tyrannide. Quam historiam vide in Ziegleri Landavi libello Argentorati edito apud Rehilium hoc titulo: Christierni secundi regis Danimarchiae crudelitas, perpetrata in proceres Sueciae & populum Holmensem. Stockholmiae succedit VPSALIA, quondam totius Septentrionis regia (unde VPSALA Konung, regius erat tum titulus) & Metropolis antiquissima, sedes nempe regia Sacerdotalis & iudicii supremi. Hic in tribus Borealibus Regionibus sola erat Ecclesia deaurata intus & extra, in qua sedebat THOR magnifice coronatus hastam deauratam in manibus habens, a dextris sedebat OTHIN aut VOTHAN, id est Mars, armis bellicis stipatus aureis, a sinistris vero TRIGGA sedebat aureo arcu & armis in manibus, etiam virilia exsecta, quia foeminae quoque templa adibant. Circum turrim hujus templi cingebat torques aureus, fulgidus, eratque loco plano montibus undique cincto. Iuxta templum erat arbor ingens foliis latis. ignoratur species arboris, cum vireat tam aestate quam hyeme. Huic accolebant Sacerdotes, & aedi sacrae inservientes. Prope etiam erat puteus quo immergebant homines, sacrificium diis gratum fore.

Vpsalia.

Ritus immolandi profanus.

Mos quoque erat ipsis, novem diebus, novem varia offerre sacrificia animalium, ad altare; at unicuique diei addebant hominem unum. Sors mittebatur, quisham destinaretur sa-

crificio, quem designabat sors, illum salvum iudicabant & beatum. Ad sortem mittendam nemo excusabatur, imo ne reges quidem ipsi, si eos sors designabat, mactabantur praesente populo pro salute Reipublicae. Animalis caput tantum sacrificabatur, at corpus suspendebatur in proxima sylva per aliquot dies pro sacrificulorum arbitrio. Offerebant etiam nonnulli populo se, ut sacra sub eorum nomine celebrarentur, fidem sibi faciebant per incantationes & praestigia daemorum.

Nunc vero est sedes Archiepiscopalis, templo cathedrali celeberrimo, propinquaque arce pulcherrima, in praerupto colle decorata. Sitae est quasi in medietate Vplandiae ad ripas Sallae amnis in lacum Ekolen illabentis, loco plano amoenoque. Anno 1235 regnante Erico Balbo, Archiepiscopo Ierlero, Collegium quatuor professorum Vpsaliae institutum erat, ex quo postea auctis omnium facultatum professoribus, Academia constituta est singulari privilegio, eodem videlicet quo Academia Bononiensis, a Sixto IV Pontifice anno 1476 donata. Quae saepius ob temporum injuriam dissipata, tandem anno 1595 a Carolo IX satis liberaliter cum privilegiis tum etiam redditibus decorata, pristinaeque conditioni restituta est. Verum Rex GUSTAVVS ADOLPHVS singulari quo erga literas literatosque flagravat amore, ejusdem Academiae privilegia, professorum, stipendiatorumque numerum ita auxit, ut cuius Academiae Europae par sit, atque ne incertis redditibus suffulta rursus contabesceret, singulari liberalitate anno 1624 tantae rei annuos sufficientesque destinavit sumptus, e propriis bonis allodialibus, quae Regio diplomate in Academiae perpetuam possessionem assignavit, eodemque privilegio, quo nobiles in hoc Regno sua possident bona allodialia, dotavit. Habet praeterea Vplandia *Enecopiam*, *Sigtuniam* *Oregrundiamque* oppida, mercimoniis quidem clara, prioribus tamen non comparanda.

Archiepiscopalis sedes.

